

М а н а б е л д в р

Мана, Яшалтан район болхла ик кезәнәс авн хальмг улсин өсдҗ-боссн газр. Энүнд бәәх орс келн-улс өмнх хальмгудла ах-дү мет сән бәәцхәдг билә. Тиигәд, мана парть болн правительств хальмгудиг хуучн төрскн газртнх хамцулдж негдүлхмн гидж шидвр гаргьснднх, тедн икәр бәйрлджацхана.

Эн джилин эклцәр мана колхозд хальмг улсин арв-гар өрк-бүл нүүдж ирцхәв. Мана колхозникуд эдниг ик байртагьар, ах-дүүнрән ирцхәсн метәр тосцхав. Цугтаднх бәәх дулан, сарул өрәс сулдхдж өгвдн. Ирси даруган хальмгуд медх-чидх кәдлмшт нургьлдж орцхав. Дәәнә өмн чигн мана колхозин чледүд болдж ба сн кесг олн хальмгуд, сән кәдлмш кегьад нернх туурдж йовсмн билә. Хальмг улс тенүгән ода чигн алдж бәәхш. Үр Кованов Эрднх ирси даругьан мана колхозд ах адуч болдж орв. Ахр цагин эргцд фермин кәдлмшиг эн сәәнәр ясв, шунмгьа, даалгьврта кевәр кәдлдгән үзүлв. Энүгинх тоолад үр Ковановиг сунгьврчнр района депутатд шиидв.

Өмнх болхла мана колхозд олн бүл хальмгуд бәәлә. Ода

эди цугтан хәрү ирцхәх зөвтә Мана колхозд тедн цугтаднх зә, кәдлмш олдх. Ирцхәх хальмгудиг сән бурдәмджтә кевәр тосхин кергт ода белдлгьн кегдджәнә. Эн джил 70 хальмг өрк-бүл колхоздан орулдж авх зура темдглвдн. Бәәх газринх белдджәнәвдн: сулдсн өрәсиг шалдад, цагьалгьад яслгьн кегдджәнә. Цааранднх болхла ирси хальмгудт шавр-кирпич гермүд бәрхвдн. Ода шавр-кирпич келгьн эклгдв, кергтә мод колхозин правлен хулдад авчкла.

Мана колхозин партийн организац олн дунд цәәлгьврин кәдлмш делгрүлдж, хальмгудиг ни-ниицнхгьү кевәр тосхиг тетгхәр шундж кәдлджәнә. Кесг мана колхозникуд бийснх невчк шахцад, ирдж бәәх ахнр-дүүнр хальмгудт гериннх неджәд өрәгьән сулдхдж өгчәцкәнә. Би эврән ода нег өрәгән бас сулдхчкүв, дару ирцхәх хальмгудас нег бүл орхмн.

Энхкр ахнр-дүүнр хальмгуд, эврәннх төрскн ори-нутгурн ирцхәхитн эрджәнәвдн!

И. И. СМОЛЯНИНОВ,
„Новый мир“—колхозин
партбюрон сәгләтр.